

2. ՍԱՐԳՍՅԱՆ

ՎԱՆ ՔԱՂԱՔԻ 1918 Թ. ՓՈԽԳԻՐ-ԹՂԹԱԴՐԱՄՆԵՐԻ ՊԱՏՄՈՒԹՅՈՒՆԻՑ

Հայկական թղթադրամների ծագման ու դարգացման պատմությունը հետաքրքիր, բայց գիտականորեն դրեթե չուսումնասիրված թեմա է, որի լուսաբանումն, անշուշտ, կօժանդակի մեր ժողովրդի քաղաքական պատմության առանձին հարցերի ճշգրիտ որոշմանը:

Հայ ժողովուրդը, ելնելով քաղաքական ծանր դրությունից, հաճախ ստիպված էր բավարարվել օտար պետությունների կողմից թողարկված մետաղյա ու թղթե դրամներով: Սակայն, բացի պետական նշանակության ընդհանուր թղթադրամներից, Հայաստանում շրջանառության մեջ են եղել մասնավոր բնույթ ունեցող թղթադրամներ, որոնց տարածումը սահմանափակվել է նահանգային. քաղաքային ընկերությունների և անդամ առանձին վաճառատների շրջանակներով:

Այս տեսակետից առանձնակի հետաքրքրություն են ներկայացնում Հայաստանի պետական պատմական թանգարանի դրամագիտական բաժնում պահվող երկու փոխգիր-թղթադրամներ¹, որոնք թողարկվել են Վանում 1918 թվականին:

Փոխգիրների բոլոր տեսակների օրինակները, դժբախտաբար, մենք չունենք և ստույգ խոսել թողարկված արժեքիչների մասին դժվար է: Ժամանակակիցները վկայում են, որ նրանց թողարկման արժեքիչներն են 1, 3, 5, 10, 25, 50, 75 և 100 ուրբի: Մակայն պահպանված օրինակների հիման վրա կարելի է ենթադրել, որ փոխգիրները թողարկվել են 10, 25, 50 և 100 ուրբի արժեքիչով: Հայաստանի պետական պատմական թանգարանի կողմից վերջերս ձեռք բերած փոխգիր-թղթադրամները հետևյալներն են.

Փոխգիր տասը ուրբի (նկ. № 1): Թուղթը հասարակ, ծածկված միլիմետրովանդակներով: Չափը՝ 8,5 սմ լայնություն, 9,5 սմ երկարություն:


Պահպանությունը բավարար է, գրությունները ընթեռնելի: Տպված է մի երեսի վրա գրչագիր, խմորատիպ: Թանաքը՝ բաց-մանիշակագույն: Բնագիրն ամբողջությամբ վերցված է քառանկյուն-ուղղանկյունի գծավոր շրջանակի մեջ:

Վերևում համեմատաբար խոշոր տառերով գրված է ՓՈԽԳԻՐ, որի տակ նշված է՝ «ՆԵՐՔԻՆ ԳՈՐԾԱԾՈՒԹԵԱՆ ՀԱՄԱՐ»։ «1918 ՓԵՏ. 27», «ԱՐԺԵՔԸ ՏԱՍԻՈՒԲԼԻ»: Փոխգիրն ունի երկու համարներ, որոնք ավելացվել են սև թանաքով խմորատիպով ելուց հետո: Համարը՝ 381, սերիա № 2881: Այնուհետև արձանագրված է՝ «ՎՃԱՐԵԼՈՒ Է ՆԱՀԱՆԳԱՅԻՆ ՎԱՆԻ ԿՈՄԻՍԱՐԵԱԴ ԿՈՄԻՍԱՐՆԵՐԻ ԽՈՐՀՐԴԻ ԿՈՂՄԻՅ»: «ՆԱՀՆԳ. ԿՈՄԻ., ԶԻՆ. ԿՈՄԻ., ԵԼԵ. ԿՈՄԻ.» և երեք կոմիսարների ստորագրություններ սև թանաքով: Թղթադրամը վավերացված է

¹ Հազվագյուտ փոխգիրները թանգարանին նվիրել է Հայկ. ՍՍՀ վաստակավոր ուսուցիչ Արսեն Հացագործյանը, որը 1918 թ. Վասպուրականի նահանգում վարել է ներքին գործերի կոմիսարիատի գիվանապետի պաշտոնը և անձամբ մասնակցել է դրամանիշների ստեղծման գործին:

Վանի շրջանի մարզային կոմիսարի կնիքով (ռուսերեն լեզվով)՝ «Обл[астной] Комиссарь Ванской обл[асти] Военного упр[авления] Тур[ецкой] Арм[е-
нии] и пр[очих] обл[астей] Тур[ции] зан[имаемых] по пр[аву] войны».

Երկրորդ փոխգիր-թղթագրամի արժենիշն է հարյուր ռուբլի (նկ. № 2)։
Չափը՝ 11,5 սմ լայնություն, 12,5 սմ երկարություն։ Թուղթը նույնն է։ Պահ-
պանությունը բավարար է։ Գրությունները ընթերցելի։ Դրամանիշի համարն է
819, սերիա № 0819, որոնք գրված են խմորատպվելուց հետո կարմիր գույնի



Նկ. 1. Փոխգիր տասը ռուբլի

թանաքով։ Վերևի անկյուններում գրված է «100ր»։ մակագրությունը, կնիքը և
ստորագրությունները նույնությամբ՝ այնպես ինչպես նկարագրած առաջին օրի-
նակի վրա է, միայն բացակայում է զծավոր շրջանակը։

Վան քաղաքում թողարկված փոխգիր-թղթագրամի մի ուրիշ օրինակ պահ-
պանվում է Բելյուրի Փալանջյան Հեմարանի թանգարանում²։

Այդ վ փոխգիր-թղթագրամի արժենիշն է 50 ռուբլի (նկ. № 3)։ Չափը՝ լայնու-
թյունն ու երկարությունը 8,5 սմ։ Թղթագրամի համարն է 532, սերիան № 1532։
Վերևի անկյուններում՝ «50ր.»։ Մակագրությունը, կնիքը և ստորագրություն-

2 Այս մասին մենք տեղեկացանք Սիլվա Կապուտիկյանի «Քարավանները դեռ քայլում են»
գրքից, որտեղ հեղինակը գրում է. «...ուղեկիցներս իմ ուղադրությանը հանձնեցին հետաքրքիր
մի ցուցոն. ղեզնած թղթի վրա մի պատառ էր՝ վրան կնիք, ստորագրություն ու թանաքով գրված
թվեր։ Վանի հերոսամարտի օրերին ինքնապաշտպանության կոմիտեի կողմից բաց թողնված՝
դրամին փոխարինող կտրոններից մեկն էր...»։


Տե՛ս «Քարավանները դեռ քայլում են», Երևան, «Հայաստան» հրատ., 1964, էջ 257։

Փալանջյան Հեմարանի փոխգիր-թղթագրամի յուսանկարը մեզ սիրով տրամադրեց Գրիգոր
Շահինյանը։

ները կրկնում են Հայաստանի պատմության թանգարանում պահվող օրինակների մանրամասնությունները³։

Փոխդիրները ստորագրել են նահանգային կոմիսար Կոստանդին (Կոստի) Համբարձումյանը, դինվորական կոմիսար՝ Դրիգոր Դեգյանը (Բուլղարացի) և ելևմտից կամ ֆինանսների կոմիսար՝ Սամվել Մեսրոպյանը։ Վերջինիս անունով նահանգի բնակչությունը փոխդիրներն անվանել է «ՍԱՄՎԵԼԻ ՓՈՂ»։

Վասպուրականի շրջանը Արևմտյան Հայաստանի նահանգների շարքում իր աշխարհագրական դիրքով և պատմական իրադարձություններով նշանակալից տեղ էր գրավում։ Ունենալով համեմատաբար զարգացած առևտրա-արհեստագործական տնտեսություն, Վանի վիլայեթը, ինչպես և մյուս նահանգ-



Նկ. 2. Փոխդիր հարյուր ուրլի

ները գտնվում էին քաղաքական ծանր վիճակում։ Այդ չէր վրիպել և ճանապարհորդների հայացքից։ Անգլիացի Լինչը գրել է. «Վանի հայկական բնակչության մոտ առևտուրը և արդյունաբերությունը գտնում են այնպիսի նպաստավոր պայմաններ, որ նրանք առավել երջանիկ ժամանակներում կհասնեին ղզալի փուլերի»⁴։

³ Մեզ հայտնի փոխդիրներից ևս չորս օրինակներ (10, 25, 50 և 100 ուրլի) պահվում է Երևանում՝ բոնիստ Հ. Աղամյանի թղթագրամների ժողովածուի մեջ։

⁴ Армения. Путевые очерки и этюды. Х. Ф. Б. Линча, т. 2, 1910, стр. 113.

Միայն 1894—96 թթ. հայկական ջարդերի ժամանակ Վանում փակվել է 503 արհեստի և առևտրի կրպակ⁵: Նույն վիճակում էր և գյուղատնտեսությունը, աշխատում էին մշակել այնքան, որ բավարարեին իրենց ներքին կարիքները: Թուրքական կառավարության վարած ֆինանսական քաղաքականության հետևանքով, կարգավորված չէր և դրամական տնտեսությունը: Տարբեր վիճակներում տարածված էին գանազան դրամական միավորներ: Այսպես, եթե Վանի նահանգում դրամաշրջանառության մեջ իշխում էին ռուսական մետաղյա ռիթլերը, ապա Սասունում հիմնական միավորը օսմանյան դուրուշն էր⁶ և նրա բաղկացուցիչ մասերը: Առևտրի ոլորտում զգացվում է նաև կանխիկ դրամի պակասությունը: Հովհաննես Տեր-Մարտիրոսյանը (Ազոն) իր «Վանի,



Նկ. 3. Փոխգիր հիսուն ոտրի

Բիթլիսի և էրզրումի վիլայեթները» գրքում գրում է. «...այդ երկրում այնքան սակավ է դրամն ընդհանրապես և մանր դրամն առանձնապես, որ առևտուրը միանգամայն կաշկանդված էր: Կարող եք երևակայել, որ հաճախ կամ զնոդն է հրաժարվում զնումից կամ խանութպանը՝ վաճառքից միմիայն այն պատճառով, որ զնոդի մի ոսկին մանրացնելու համար մանր դրամ չի ձևարվում և այս տեղի է ունենում շատ անգամ»:

Դրամական տարբեր սիստեմների առկայությունը՝ մի կողմից և մանր դրամների պակասությունը մյուս կողմից խիստ դժվարացնում էր առևտուրը: Աշխատում էին հարմարվել և ստիպված ամբողջացնում էին զնահատումները,

⁵ Ա. Մ. Համարյան, Այրարային հարաբերությունները Արևմտյան Հայաստանում (1856—1914), Հայկական ՍՍՀ դիտությունների ակադեմիայի հրատարակչություն, Երևան, 1965, էջ 141:

⁶ Վ. Պետոյան, Սասնու ազդագրությունը, Երևան, 1965, էջ 183:

⁷ Ա. Պ. Վանի, Բիթլիսի և էրզրումի վիլայեթները, Երևան, 1912, էջ 262:

ըստ եղած դրամի արժեքի, կամ պարզապես փոխանակում ապրանքները: Ադոն պրում է՝ «...աշխատում էին առևտրին որքան կարելի է, պարզ ձև տալ և գնահատել ամբողջ ղուրուշներով»⁸: 'Իրամների մեծ միավորների մանրացումը նույնպես մեծ դժվարությունների հետ էր կապված: Բացի այդ շրջանառության մեջ էին խիստ մաշված և արժեքագուրկ մանր դրամներ:

Չնայած Վանի նահանգը, որպես առանձին վարչական միավոր, ենթարկվում էր Անդրկովկասի կոմիսարիատին, այնուամենայնիվ 1917 թ. վերջերին, 1918 թ. սկզբներին նրա տնտեսական և ֆինանսական կյանքում փոփոխություններ տեղի չունեցան: Ֆինանսական ծանր դրությունը շարունակվում էր մամենուրեք: Նշելով այս վիճակից Վանի նահանգի կոմիսարիատը 1918 թվականին թողարկեց վերոհիշյալ փոխգիր-թղթագրամները: Այդ փոխգիրներով կատարվում էր մանր առ ու ծախս, վճարվում էին աշխատավարձ, մանրացվում էին դրամների մեծ միավորները և այլն: Միաժամանակ փոխգիր թղթագրամները լրացնում էին մանր դրամների այն պակասը, որի կարիքը խիստ զգացվում էր ներքին շուկայում:

Հարց է ծագում՝ ինչու՞ էրեւան եկան այս փոխգիրները, քանի որ շրջանառության մեջ այդ ժամանակ կային անդրկովկասյան կոմիսարիատի կողմից թողարկված տպագիր, ասելի վստահելի բոները (1, 3, 5, 10, 50, 100 և 250 ուրբի), որոնք պարտագիր շրջանառության մեջ էին պետական թղթագրամների հետ հավասար:

Փոխգիրների թողարկումը առաջացել էր պատերազմական դրության հետևանքով, երկրում տնտեսական ծանր վիճակի ստեղծման պատճառներով: Բաժնական է վերհիշել, որ Նրզնկայի ղինադագարից հետո (1917 թ. դեկտեմբերի 5-ի) Հայաստանը ընդամենը մեկ և կես ամիս մնաց խաղաղ վիճակում: Այդ կարճ ժամանակամիջոցում անդրկովկասյան կոմիսարիատը ի վիճակի չէր լայնորեն տարածելու 1918 թվականի սկզբներին թողարկած իր բոները, մանավանդ, որ շատ դժվարացել էր կապը կենտրոնի և նահանգների միջև: Մյուս կողմից նկատի ունենալով Վանի նահանգի ակտիվ դերը ներքին ապրանքափոխանակային ոլորտում, ինչպես և մանր դրամի խիստ սակավությունը, ուստի փոխգիրների ստեղծման անհրաժեշտությունը միանգամայն հասկանալի կդառնա:

Փոխգիրները հանդիսանալով վճարման միջոց, թղթագրամների այն շարքին չէին պատկանում, որոնք իրենց արժեքով հավասարվում էին մետաղյա դրամներին: «Փոխգիր» նշանակում է փոխանակագիր, այսինքն որոշակի փաստաթուղթ, որով նահանգի կոմիսարիատը պարտավորվում էր հետագայում վճարել նրանց արժեքը: Այդ մասին է վկայում փոխգրի վրա եղած հետևյալ մակագրությունը՝ «Վճարելու է նահանգային Վանի կոմիսարենդ(ի) կոմիսարների խորհրդի կողմից»: Այդ է վկայում նաև կնիքը, որը վավերական էր դարձնում այն, ժողովրդական մասսաների առաջ: Եվ իրոք ականատեսները վկայում են, որ Վանից գաղթած բնակչությունը Թիֆլիսում փոխանակեց փոխգիրները անդրկովկասյան կոմիսարիատի բոներով:

Հետևաբար փոխգիրները իրենց բնույթով պատկանում էին թղթագրամների այն կարգին, որոնց պարտագիր շրջանառությունը թեև սահմանված է տեղական իշխանությունների որոշմամբ, սակայն ընդունելի էր առօրյա կյանքում

⁸ Ա . . . , եղած աշխ., էջ 262:

մյուս տարածված մետաղյա և թղթե դրամների հետ մեկտեղ: Ձնայած փոխգիրների շրջանառության ժամկետը սահմանափակ չէր, այնուամենայնիվ հասկանալի է, որ դրանք երկար կյանք ունենալ չէին կարող: Փոխգիրները շրջանառության մեջ են եղել ընդամենը 22 օր՝ 1918 թվականի փետրվարի 27-ից մինչև մարտի 21-ը, երբ 3-օրյա (1918 թ. մարտի 18—21-ը) կատաղի մարտերից հետո Վանի բնակչությունը շորրորդ անգամ ստիպված էր թողնել իր նվիրական քաղաքը, բռնելով գաղթի տառապալից ուղին:

Այսպիսով, փոխգիրները ոչ հեռու անցյալի այն կենդանի լկաներն են, որոնք շրջանառության մեջ դրվեցին տեղական իշխանության քաղաքական ծանր իրադրության պահին նսլատակ ունենալով ներքին ուժերով կարգավորելու օլորամակսն տնտեսության քայքայված վիճակը: